

10 հունիսի 2011 թվականի N 818 - Ն

ԳՈՐԾԱԶՐԿՈՒԹՅԱՆ ՆՊԱՍՏԻ ՆՇԱՆԱԿՄԱՆ ԿԱՄ ՎԵՐԱՀԱՇՎԱՐԿԻ
ՀԱՄԱՐ ՆՈՐ ՀԻՄՔԵՐ Ի ՀԱՅՏ ԳԱԼՈՒ ԴԵՊՔՈՒՄ ԳՈՐԾԱԶՐԿՈՒԹՅԱՆ
ՆՊԱՍՏԻ ՆՇԱՆԱԿՄԱՆ ԿԱՄ ՎԵՐԱՀԱՇՎԱՐԿՄԱՆ ԿԱՐԳԸ ՀԱՍՏԱՏԵԼՈՒ
ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՍԻ ՇԱՐՔ
ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ՈՒ ԼՐԱՑՈՒՄՆԵՐ ԿԱՏԱՐԵԼՈՒ
Մ Ա Ս Ի Ն

Ղեկավարվելով «Բնակչության զբաղվածության և գործազրկության դեպքում սոցիալական պաշտպանության մասին» Հայաստանի Հանրապետության օրենքի 38-րդ հոդվածի 3.1-ին մասով՝ Հայաստանի Հանրապետության կառավարությունը **ո ր ո շ ու մ է.**

1. Հաստատել գործազրկության նպաստի նշանակման կամ վերահաշվարկի համար նոր հիմքեր ի հայտ գալու դեպքում գործազրկության նպաստի նշանակման կամ վերահաշվարկման կարգը՝ համաձայն հավելվածի:

2. Հայաստանի Հանրապետության կառավարության 2006 թվականի մարտի 23-ի «Գործազրկության նպաստի վճարման կարգը հաստատելու մասին» N 365-Ն որոշման 1-ին կետով հաստատված կարգում կատարել հետևյալ լրացումներն ու փոփոխությունները՝

1) կարգը 4-րդ կետից հետո լրացնել հետևյալ բովանդակությամբ նոր՝ 4.1-ին և 4.2-րդ կետերով.

«4.1. Գործազրկության նպաստի ստացման ժամանակահատվածում գործազրկության նպաստի վերահաշվարկման նոր հիմքեր ի հայտ գալու դեպքում վերահաշվարկված գործազրկության նպաստը վճարվում է գործազրկության նպաստի ստացման ժամանակահատվածի ավարտին հաջորդող ամսվանից:

4.2. Գործազրկության նպաստի ստացման ժամանակահատվածի ավարտից հետո գործազրկության նպաստի նշանակման նոր հիմքեր ի հայտ գալու դեպքում վերահաշվարկված գործազրկության նպաստը վճարվում է նոր հիմքեր ի հայտ գալու ամսվան հաջորդող ամսվանից:».

2) 5-րդ և 6-րդ կետերում «ամսվա» բառից հետո «և» բառը փոխարինել «,-»-ով, իսկ «չստացված» բառից հետո նշված կետերը լրացնել «և վերահաշվարկված» բառերով.

3) 7-րդ կետը «նպաստի» բառից հետո լրացնել «ֆինանսավորման հայտ-պահանջագիրը (ձև N 3)» բառերով, իսկ «գումարի ֆինանսավորման հայտ-պահանջագիրը» բառերից հետո հանել «(ձև N 3)» բառերը.

4) 8-րդ կետը շարադրել հետևյալ խմբագրությամբ.

«8. Նախարարությունը սույն կարգի 7-րդ կետում նշված ֆինանսավորման հայտ-պահանջագիրը գործակալությունից ստանալուց հետո 5 աշխատանքային օրվա ընթացքում Հայաստանի Հանրապետության ֆինանսների նախարարության տեղական գանձապետական բաժիններում Հայաստանի Հանրապետության աշխատանքի և սոցիալական հարցերի նախարարության աշխատակազմի անվանը բացված գանձապետական հաշվին է փոխանցում ֆինանսավորման հայտ-պահանջագրով նախատեսված միջոցները: Ծառայության դիմաց վճարի ֆինանսավորման հայտ-պահանջագրի հիման վրա նախարարությունը կենտրոնական գանձապետարան է ներկայացնում բյուջետային փոխանցագիր:».

5) 14-րդ կետը «նախարարության» բառից հետո լրացնել «աշխատակազմի» բառով.

6) NN 1, 2 և 3 ձևերը շարադրել հետևյալ խմբագրությամբ.

Ց ՈՒ Ց Ա Կ

ԳՈՐԾԱԶՐԿՈՒԹՅԱՆ ՆՊԱՍՏԻ ՎՃԱՐՄԱՆ

(գրադրվածության մարզային/տարածքային կենտրոն)

NN ը/կ	Անունը, ազգանունը	Անձնագրի սերիան, համարը	Սոցիա- լական քարտի համարը	Հաշվառ- ման քարտի համարը	Չվճարված կամ չստացված անցած ժամանակահատվածի համար			Ընթացիկ անսվա գումարը	Վերա- հաշ- վարկ- ված գումարը	Ընդամենը գումարը	Ստորա- գրությունը	Ծանո- թագրու- թյուն
					ամիսը (ամիսները)	տարե- թիվը	գումարը					
1	2	3	4	5	6	7	8	9	10	11	12	13
	Ընդամենը											

Տնօրեն _____
(անունը, ազգանունը)

_____ (ստորագրությունը)

Կ.Տ.

Կատարող _____
(անունը, ազգանունը)

_____ (ստորագրությունը)

_____ 201 թ.

Հ Ա Յ Տ - Պ Ա Հ Ա Ն Ջ Ա Գ Ի Ր

ՋԲԱՂՎԱԾՈՒԹՅԱՆ _____ ՄԱՐԶԱՅԻՆ/ՏԱՐԱԾՔԱՅԻՆ ԿԵՆՏՐՈՆԻ
ԳՈՐԾԱՋՐԿՈՒԹՅԱՆ ՆՊԱՍՏԻ ՖԻՆԱՆՍԱՎՈՐՄԱՆ
_____ 201 թ.

NN ը/կ	Ծախսերի անվանումը	Ստացողների թիվը	Գումարը (դրամ)
1.	Գործազրկության նպաստ՝ ընդամենը, այդ թվում՝		
	տվյալ ամսվա համար		
	նախորդ ժամանակահատվածի համար		
	վերահաշվարկված		

Տնօրեն _____
(անունը, ազգանունը) (ստորագրությունը)

Կ.Տ.

Կատարող _____
(անունը, ազգանունը) (ստորագրությունը)

_____ 201 թ.

Հ Ա Յ Տ - Պ Ա Հ Ա Ն Ջ Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐՈՒԹՅԱՆ «ԶԲԱՂՎԱԾՈՒԹՅԱՆ ՊԵՏԱԿԱՆ ԾԱՌԱՅՈՒԹՅՈՒՆ» ԳՈՐԾԱԿԱԼՈՒԹՅԱՆ ԳՈՐԾԱԶՐԿՈՒԹՅԱՆ ՆՊԱՍՏԻ ՖԻՆԱՆՍԱՎՈՐՄԱՆ

_____ 201 թ.

NN ը/կ	Ծախսերի անվանումը	Ստացողների թիվը	Գումարը (դրամ)
1.	Գործազրկության նպաստ՝ ընդամենը, այդ թվում՝		
	տվյալ ամսվա համար		
	նախորդ ժամանակահատվածի համար		
	վերահաշվարկված		

Գործակալության պետ _____ (անունը, ազգանունը) _____ (ստորագրությունը)

Կ.Տ.

Կատարող _____ (անունը, ազգանունը) _____ (ստորագրությունը)

_____ 201 թ.։»:

3. Հայաստանի Հանրապետության կառավարության 2006 թվականի մարտի 30-ի «Գործազուրկների, աշխատաշուկայում անմրցունակ խմբերի և երկարամյա ծառայության ու արտոնյալ պայմաններով կենսաթոշակ ստացող՝ աշխատանք փնտրող չզբաղված անձանց մասնագիտական ուսուցման կազմակերպման կարգը հաստատելու մասին» N 533-Ն որոշման մեջ կատարել հետևյալ փոփոխություններն ու լրացումը՝

1) որոշման վերնագրում և 1-ին կետում «աշխատաշուկայում անմրցունակ խմբերի» բառերը փոխարինել «հաշմանդամների, գյուղատնտեսական նշանակության հողի սեփա-

կանատեր հանդիսացող՝ աշխատանք փնտրող անձանց» բառերով, իսկ «ու արտոնյալ պայմաններով» բառերը՝ «, արտոնյալ պայմաններով և մասնակի» բառերով.

2) որոշմամբ հաստատված կարգում

ա. վերնագրում և 1-ին կետում «աշխատաշուկայում անմրցունակ խմբերի» բառերը փոխարինել «հաշմանդամների, գյուղատնտեսական նշանակության հողի սեփականատեր հանդիսացող՝ աշխատանք փնտրող անձանց» բառերով, իսկ «և արտոնյալ պայմաններով» բառերը՝ «, արտոնյալ պայմաններով և մասնակի» բառերով,

բ. 9-րդ կետում «և հաշմանդամ» բառերը փոխարինել «, հաշմանդամ և գյուղատնտեսական նշանակության հողի սեփականատեր հանդիսացող» բառերով,

գ. կարգը 12-րդ կետից հետո լրացնել հետևյալ բովանդակությամբ նոր 12.1-ին կետով.

«12.1. Գյուղատնտեսական նշանակության հողի սեփականատեր հանդիսացող՝ աշխատանք փնտրող անձանց համար մասնագիտական ուսուցում կազմակերպելիս՝ նախապատվությունը տրվում է ընտանիքների անապահովության գնահատման համակարգում ընդգրկված ընտանիքների՝ աշխատանք փնտրող երիտասարդ անձանց:»,

դ. 14-րդ կետում «Տարածքային կենտրոնը» բառերը փոխարինել «Գործակալությունը» բառով,

ե. 18-րդ կետը շարադրել հետևյալ խմբագրությամբ.

«18. Գործակալությունը սույն կարգի 17-րդ կետում նշված պայմանագրով սահմանված ուսուցման ծառայության տեխնիկական բնութագրի պատճենը տրամադրում է տարածքային կենտրոնին:»,

զ. 20-րդ կետը շարադրել հետևյալ խմբագրությամբ.

«20. Ուսուցումն իրականացնող կազմակերպությունը սույն կարգի 17-րդ կետում նշված պայմանագրով սահմանված ժամկետներում գործակալություն է ներկայացնում Հայաստանի Հանրապետության օրենսդրությամբ սահմանված կարգով մասնագիտական

ուսուցման դասընթացի համար ծառայությունների մատուցման հանձնման-ընդունման արձանագրությունը (այսուհետ՝ վճարումները հիմնավորող փաստաթղթեր):»,

է. 21-րդ կետը շարադրել հետևյալ խմբագրությամբ.

«21. Գործակալությունը սույն կարգի 20-րդ կետում նշված վճարումները հիմնավորող փաստաթղթերի հիման վրա 3 աշխատանքային օրվա ընթացքում կազմում և Հայաստանի Հանրապետության աշխատանքի և սոցիալական հարցերի նախարարություն (այսուհետ՝ նախարարություն) է ներկայացնում մասնագիտական ուսուցման ֆինանսավորման հայտ-պահանջագիր:»,

ը. 22-րդ կետում «Ծառայությունը» բառը փոխարինել «Նախարարությունը» բառով, կետից հանել «և էկոնոմիկայի» բառերը, իսկ «արտաբյուջետային միջոցների բանկային հաշվին» բառերը փոխարինել «գանձապետական հաշիվներին» բառերով,

թ. 24-րդ կետը շարադրել հետևյալ խմբագրությամբ.

«24. Գործակալությունը կազմակերպության հետ նախնական քննարկում է մասնագիտական ուսուցման կազմակերպման հետ կապված հարցերը և նախարարություն է ներկայացնում առաջարկություն քննարկում կազմակերպելու և պայմանագիր կնքելու վերաբերյալ:

Նախարարությունը կազմակերպության հետ քննարկում է մասնագիտական ուսուցման կազմակերպման հետ կապված հարցերը և նրա հետ կնքում պայմանագիր, որի տեխնիկական բնութագրի պատճենը գործակալությունը տրամադրում է տարածքային կենտրոնին:»,

ժ. 27-րդ կետը շարադրել հետևյալ խմբագրությամբ.

«27. Գործակալությունը յուրաքանչյուր ամիս նախարարություն է ներկայացնում Հայաստանի Հանրապետության պետական բյուջեի միջոցների հաշվին իրականացված

մասնագիտական ուսուցման ծրագրերի ֆինանսավորման համար կատարված բյուջետային ծախսերի և բյուջետային պարտքերի մասին հաշվետվություն:»,

ժա. 28-րդ կետից հանել «ավարտված և իրականացման ընթացքում գտնվող մասնագիտական ուսուցման դասընթացների, ծախսված ֆինանսական միջոցների, ինչպես նաև» բառերը,

ժբ. 29-րդ կետը շարադրել հետևյալ խմբագրությամբ.

«29. Գործակալությունը յուրաքանչյուր եռամսյակ Հայաստանի Հանրապետության աշխատանքի և սոցիալական հարցերի նախարարին է ներկայացնում ավարտված և իրականացման ընթացքում գտնվող մասնագիտական ուսուցման դասընթացների, ծախսված ֆինանսական միջոցների, ինչպես նաև ուսուցումն ավարտած անձանց աշխատանքի տեղավորման մասին ամփոփ հաշվետվություն:»:

4. Հայաստանի Հանրապետության կառավարության 2006 թվականի հունիսի 16-ի «Այլ վայր աշխատանքի գործուղվող գործազուրկի նյութական ծախսերի հատուցման կարգը սահմանելու և Հայաստանի Հանրապետության կառավարության 1997 թվականի հունիսի 25-ի N 222 որոշման մեջ փոփոխություն կատարելու մասին» N 983-Ն որոշման մեջ կատարել հետևյալ փոփոխությունները և լրացումները՝

1) որոշման վերնագրում «ԱՅԼ ՎԱՅՐ ԱՇԽԱՏԱՆՔԻ ԳՈՐԾՈՒՂՎՈՂ ԳՈՐԾԱԶՈՒՐԿԻ ՆՅՈՒԹԱԿԱՆ ԾԱԽՍԵՐԻ ՀԱՏՈՒՑՄԱՆ ԿԱՐԳԸ ՍԱՀՄԱՆԵԼՈՒ» բառերը փոխարինել «ԱՅԼ ՎԱՅՐ ԱՇԽԱՏԱՆՔԻ ԳՈՐԾՈՒՂՎՈՂ ԳՈՐԾԱԶՈՒՐԿԻ ԵՎ ԱՇԽԱՏԱՆՔ ՓՆՏՐՈՂ ԶԶԲԱՂՎԱԾ ՀԱՇՄԱՆԴԱՄԻ ՆՅՈՒԹԱԿԱՆ ԾԱԽՍԵՐԻ ՀԱՏՈՒՑՄԱՆ ԿԱՐԳԸ ՍԱՀՄԱՆԵԼՈՒ» բառերով.

2) որոշման 1-ին կետը շարադրել հետևյալ խմբագրությամբ.

«1. Սահմանել այլ վայր աշխատանքի գործուղվող գործազուրկի և աշխատանք փնտրող՝ չգրադված հաշմանդամի նյութական ծախսերի հատուցման կարգը՝ համաձայն հավելվածի:».

3) որոշման 1-ին կետով հաստատված կարգի՝

ա. վերնագիրը շարադրել հետևյալ խմբագրությամբ.

«ԿԱՐԳ ԱՅԼ ՎԱՅՐ ԱՇԽԱՏԱՆՔԻ ԳՈՐԾՈՒՂՎՈՂ ԳՈՐԾԱԶՈՒԻԿԻ ԵՎ ԱՇԽԱՏԱՆՔ ՓՆՏՐՈՂ՝ ՉԶԲԱՂՎԱԾ ՀԱՇՄԱՆԴԱՄԻ ՆՅՈՒԹԱԿԱՆ ԾԱԽՍԵՐԻ ՀԱՏՈՒՑՄԱՆ»,

բ. 1-ին կետը «նախարարության» բառից հետո լրացնել «աշխատակազմի» բառով,

գ. 2-րդ կետից հանել «(մարզային)» բառը.

դ. II, III, IV գլուխներում և ամբողջ տեքստում «գործազուրկի» բառը և դրա համապատասխան հոլովածները փոխարինել «գործազուրկի և աշխատանք փնտրող՝ չգրադված հաշմանդամի» բառերով և դրանց համապատասխան հոլովածներով,

ե. 18-րդ կետում «նախարարության սոցիալական ապահովության պետական ծառայություն (այսուհետ՝ ծառայություն)» բառերը փոխարինել «նախարարություն (այսուհետ՝ նախարարություն)» բառերով,

զ. 19-րդ կետը շարադրել հետևյալ խմբագրությամբ.

«19. Նախարարությունը գործակալությունից ֆինանսավորման մասին հայտ-պահանջագիրն ստանալուց հետո 5 աշխատանքային օրվա ընթացքում զբաղվածության պետական նպատակային ծրագրերի իրականացման համար Հայաստանի Հանրապետության ֆինանսների նախարարության գանձապետական բաժիններում նախարարության աշխատակազմի անվամբ բացված գանձապետական հաշիվներին է փոխանցում ֆինանսավորման մասին հայտ-պահանջագրով նախատեսված միջոցները:».

է. 20-րդ կետն ուժը կորցրած ճանաչել.

ը. 21-րդ կետում «20» թիվը փոխարինել «19» թվով, «փոխանցվում է» բառը՝ «փոխանցում է» բառով, իսկ «հետո» բառից հետո կետը լրացնել «տարածքային կենտրոնը» բառերով,

թ. 23-րդ կետում «եռամսյակ» բառը փոխարինել «ամիս» բառով, իսկ կետից հանել «և ծառայություն» բառերը,

ժ. 24-րդ կետը շարադրել հետևյալ խմբագրությամբ.

«24. Այլ վայր աշխատանքի գործուղվելու կապակցությամբ գործազուրկին և գործատուին հատուցված նյութական ծախսերը ենթակա են վերադարձման՝ սույն կարգի 14-րդ կետում նշված պայմանագրով սահմանված դեպքերում:»:

5. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը, և դրա գործողությունը տարածվում է 2011 թվականի հունվարի 1-ից հետո ծագած հարաբերությունների վրա:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Տ. ՄԱՐԳՍՅԱՆ

Կ Ա Ր Գ

ԳՈՐԾԱԶՐԿՈՒԹՅԱՆ ՆՊԱՍՏԻ ՆՇԱՆԱԿՄԱՆ ԿԱՄ ՎԵՐԱՀԱՇՎԱՐԿԻ
ՀԱՄԱՐ ՆՈՐ ՀԻՄՔԵՐ Ի ՀԱՅՑ ԳԱԼՈՒ ԴԵՊՔՈՒՄ ԳՈՐԾԱԶՐԿՈՒԹՅԱՆ
ՆՊԱՍՏԻ ՆՇԱՆԱԿՄԱՆ ԿԱՄ ՎԵՐԱՀԱՇՎԱՐԿՄԱՆ

1. Սույն կարգով կարգավորվում են Հայաստանի Հանրապետության աշխատանքի և սոցիալական հարցերի նախարարության աշխատակազմի «Զբաղվածության պետական ծառայություն» գործակալության (այսուհետ՝ գործակալություն) զբաղվածության մարզային և տարածքային կենտրոնների (այսուհետ՝ տարածքային կենտրոն) կողմից գործազուրկներին «Բնակչության զբաղվածության և գործազրկության դեպքում սոցիալական պաշտպանության մասին» Հայաստանի Հանրապետության օրենքով երաշխավորվող՝ գործազրկության նպաստի նշանակման կամ վերահաշվարկի համար նոր հիմքեր ի հայտ գալու դեպքում գործազրկության նպաստի նշանակման կամ վերահաշվարկման հետ կապված հարաբերությունները:

2. Գործազրկության նպաստի նշանակման նոր հիմքեր ի հայտ գալու դեպքում գործազրկության նպաստը նշանակվում է «Բնակչության զբաղվածության և գործազրկության դեպքում սոցիալական պաշտպանության մասին» Հայաստանի Հանրապետության օրենքի 29-րդ հոդվածի համաձայն՝ երեք աշխատանքային օրվա ընթացքում, տարածքային կենտրոնի տնօրենի որոշմամբ:

3. Գործազրկության նպաստի վերահաշվարկը կատարվում է գործազրկության նպաստի վերահաշվարկման համար նոր հիմքեր ի հայտ գալուց հետո երեք աշխատանքային օրվա ընթացքում՝ տարածքային կենտրոնի տնօրենի որոշմամբ:

4. Վերահաշվարկված գործազրկության նպաստը վճարվում է Հայաստանի Հանրապետության կառավարության 2006 թվականի մարտի 23-ի «Գործազրկության նպաստի վճարման կարգը հաստատելու մասին» N 365-Ն որոշմամբ հաստատված կարգով:

5. Գործազրկության նպաստի վերահաշվարկ չի կատարվում, եթե «Բնակչության զբաղվածության և գործազրկության դեպքում սոցիալական պաշտպանության մասին» Հայաստանի Հանրապետության օրենքի 8-րդ հոդվածի 4-րդ մասի համաձայն դադարեցվել է անձի գործազուրկի կարգավիճակը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ